



紀卷之九

北海馮惟訥編

阮籍字嗣宗陳留尉氏人司空記室瑀之子容貌瓌傑  
 昭欲為其子炎求婚籍乃醉六十日不得言而止後  
 引為從事中郎籍聞步兵厨多美酒遂求為步兵校  
 尉縱酒昏酣遺落世事又對人能為青白眼由是禮  
 法之士深所讐疾大將軍常保持之詩品曰阮籍  
 詩其源出於小雅無雕蟲之功而詠懷之體可以陶  
 性靈發幽思言在耳目之內情寄八荒之表洋洋乎  
 會於風雅使人忘其鄙近自致遠大頗多感慨之  
 詞厥旨淵放歸趣難求頗延之注解法言其志

詠懷詩三首

天地網緼元精代序清陽曜靈和風容與明日映天甘露

被宇翦鬱高松倚那長楚草垂哀鳴鶴鷓振羽感時興思  
企首延佇於赫帝朝伊衡作輔才非允文器非經武適彼  
沅湘託分漁父優哉游哉爰居爰處

二

月明星稀天高氣寒桂旗翠旌珮玉鳴鸞濯纓醴泉被服  
蕙蘭思從二女適彼湘沅靈幽聽微一作遠誰觀玉顏灼灼  
春華綠葉含丹日月逝矣惜爾華繁

三

清風肅肅脩夜漫漫嘯歌傷懷獨寐寤言臨觴拊膺對

志食世無萱草令我哀歎鳴鳥求友谷風刺愆重華登庸  
帝命凱元鮑子傾蓋仲父佐桓回濱嗟虞敢不希顏志存  
明規匪慕彈冠我心伊何其芳若蘭

詠懷八十二首

阮嗣宗集傳之既久頗存為闕世之較錄者往往肆為補綴作者之旨淆亂甚焉今以諸本參校其義稍優者為正文互異者分註於下其舊有闕文疑字而今本竄益者廓其滂俟再考正

夜中不能寐起坐彈鳴琴薄帷鑒明月清風吹我衿孤鴻  
號外野翔鳥鳴北林徘徊將何見憂思獨傷心

二

二妃游江濱道造順風翔交甫懷環珮婉孌有芬芳倚靡  
情歡愛千載不相忘傾城迷下蔡容好結中腸感激生憂  
患萱草樹蘭房膏沐為誰施其雨怨朝陽如何金石交一  
旦更離傷

三

嘉樹下成蹊東園桃與李秋風吹飛藿零落從此始繁華  
有憔悴堂上生荆杞驅馬舍之去去上西山趾一身不自  
保何況戀妻子凝霜被野草歲暮亦云已

四

大馬出西北由來從東道春秋非有託富貴焉常保清靈  
彼皐蘭凝霜露野草朝為媚五臣作美少年夕暮成醜老自非  
王子晉誰能常美好

五

平生少年時輕薄好絃歌西遊咸陽中趙李相經過娛樂  
未終極白日忽蹉跎驅馬復來歸反顧望三河黃金百鎰  
盡資用常苦多北臨太行道失路將如何

六

音聞東陵瓜近在青門外連瓜距阡陌子母相鈞帶五色

曜朝日嘉賓四面會膏火自煎熬多財為患寧布衣可終  
身寵祿豈足賴

七

炎暑惟茲夏三旬將欲移芳樹垂綠葉青雲自透迤四時  
更代謝日月遍參差一作徘徊空堂上怵怛莫我知願觀  
卒歡好不見悲別離

八

灼灼西墮日餘光照我衣迴風吹四壁寒鳥相因依周周  
尚啣羽蛩蛩亦念飢如何當路子磬折忘所歸豈為夸譽

名憊卒使心悲寧與燕雀翔不隨黃鵠飛黃鵠遊四海中  
路將安歸

九

步出上東門北望首陽岑下有采薇士上有嘉樹林良辰  
在何許凝霜霑衣襟寒風振山崗玄雲起重陰鳴鴈飛南  
征鷓鴣發哀音素質游商聲悽愴傷我心

十

北里多奇舞濮上有微音輕薄閑遊子俯仰乍浮沉捷徑  
從狹路僂趨荒淫焉見王子喬乘雲翔鄧林獨有延年

術可以五臣慰我心

十一

湛湛長江水上，有楓樹林。皋蘭波徑路，青驪逝駸。遠望令人悲，春氣感我心。三楚多秀士，朝雲進荒淫。朱華振芬芳，高蔡相追尋。一爲黃雀哀，淚下誰能禁。

十二

昔日繁華子，安陵與龍陽。天天桃李花，灼灼有輝光。悅懌若九春，磬折似秋霜。流眄發娑媚，言笑吐芬芳。携手等歡愛，宿昔同衣裳。願爲雙飛鳥，比翼共翱翔。丹青著明誓，永

世不相忘

十三

登高臨四野，北望青山阿。松柏翳岡岑，飛鳥鳴相過。感慨懷幸酸，怨毒常苦多。李公悲東門，蘇子狹三河。求仁自得仁，豈復歎咨嗟。

十四

開秋兆涼氣，蟋蟀鳴牀帷。感物懷殷憂，悄悄令心悲。多言焉所告，繁辭將訴誰。微風吹羅袂，明月耀清輝。晨雞鳴高樹，命駕起旋歸。

十五

昔年十四五志尚好詩書被褐懷珠玉顏閔相與期開軒  
臨四野登高望所思丘墓蔽山岡萬代集一作世同一時千秋  
萬歲後榮名安所之乃悟羨門子噉噉令自嗤

十六

徘徊蓬池上還顧望大梁綠水揚洪波曠野莽茫茫走獸  
交橫馳飛鳥相隨翔是時鶉火中日月正相望朔風厲嚴  
寒陰氣下微霜羈旅無僑匹俛仰懷哀傷小人計其功君  
子道其常豈惜終憔悴詠言著斯章

十七

獨坐空堂上誰可與歡者出門臨永路不見行車馬登高  
望九州悠悠分曠野孤鳥西北飛離獸東南下日暮思親  
友晤言用自寫

十八

懸車在西南羲和將歆傾流光耀四海忽忽至夕冥朝為  
咸池暉濛汜受其榮豈知集作放窮達士一死不再生視彼  
桃李花誰能久熒熒君子在何許嘆息集作曠世未合并瞻仰  
景山松可以慰吾情

十九

西方有佳人皎若白日光被服織羅衣左右珮雙璜修容  
耀姿美順風振微芳登高眺所思舉袂當集作朝陽寄顏  
雲霄間揮袖凌虛翔飄飄恍惚中流眄顧我傍悅懼未交  
接晤言用感傷

二十

楊朱泣岐路墨子悲染絲揖讓長離別飄飄難與期豈徒  
燕婉情存忘誠有之蕭索人所悲禍崇不可辭趙女媚中  
山謙柔愈見欺嗟嗟在塗士何用自保持

二十一

於心懷寸陰羲陽將歆冥揮袂撫長劍仰觀浮雲征雲間  
有玄鶴抗志揚哀聲一飛冲青天曠世不再鳴豈與鶉鷄  
遊連翩戲中庭京師曹氏家藏阮步兵詩一卷康人所書  
與世所傳多異其一篇云放心懷寸陰羲  
和將歆冥揮袂撫長劍仰觀浮雲行雲間有立鵠抗首揚  
哀聲一飛冲青天曠世不再鳴安與鶉鷄徒翩翩戲中庭  
孔宗翰亦有  
本與此多同

二十二

夏后乘靈輿夸父為鄧林存亡從變化日月有浮沉鳳凰  
鳴參差伶倫發其音王子好簫管世世相追尋誰言不可



見青鳥明我心

二十三

東南有射山汾水出其陽六龍服氣與雲蓋切一作天網

仙者四五人逍遙晏蘭房寢息一純和呼喻成露霜沐浴

丹淵中照耀日月光豈安通集作通靈臺游瀆去高翔

二十四

殷憂令志結怵惕常若驚逍遙未終晏朱華忽西傾蟋蟀

在戶牖蟪蛄號中庭心腸未相好誰云亮我情願為雲間

鳥下里一哀鳴三芝延瀛洲遠遊可長生

二十五

拔劍臨白刃安能相中傷但畏工言子稱我三江旁飛泉

流玉山懸車栖扶桑日月徑千里素風發微霜勢外編路

有窮達咨嗟安可長

二十六

朝登洪坡顛日夕望西山荆棘被原野羣鳥飛翩翩鸞鷲

時集作特栖宿性命有自然建木誰能近射干復嬋娟不見

林中葛延蔓相勾連

二十七

周鄭天下交街術當三河妖治間都子煥耀何芬葩玄髮  
發一作照朱顏睇眄有光華傾城思一顧遺視來相誇初學作過  
願為三春遊朝陽忽蹉跎盛衰在須臾離別將如何

二十八

若花一作木耀四海一作西扶桑翳瀛洲日月經天塗明暗不  
相讐集作伴窮達自有常得失又何求豈效路上童携手共  
遨遊陰陽有變化誰云沉不浮朱鷺躍飛泉夜飛過吳洲  
俛仰運天地再撫四海流繫累名利場駑駘同一軌豈若  
遺耳目升遐去殷憂

二十九

昔余遊大梁登于黃華顛共工宅玄冥高臺造青天幽荒  
邈悠悠悽愴懷所憐所憐者誰子明察自炤妍一作自然應  
龍沉冀州妖女不得眠肆侈一作倭陵世俗豈云求厥年

三十

驅車出門去意欲遠征行征行安所如背棄夸與名夸名  
不在已但願適中情單帷蔽皎日高榭隔微聲讒邪使交  
疏浮雲令晝冥嫵婉同衣裳一顧傾人城從容在一時繁  
華不再榮晨朝奄復暮不見所歡形黃鳥東南飛寄言謝

友生

三十一

駕言發魏都南向望吹臺蕭管有遺音梁王安在哉戰士  
食糟糠賢者處蒿萊歌舞曲未終秦兵已復來夾林非吾  
有朱宮生塵埃軍敗華陽下身竟爲土灰

三十二

朝陽不再盛白日忽西幽去此若俯仰如何似九秋人生  
若塵露天道邈悠悠景升丘山涕泗紛交流孔聖臨長  
川惜逝忽若浮去者亦不及來者吾不留願登太華山上

與松子遊漁父知世患乘流之輕舟

二十三

一日復一夕一夕復一朝顏色改平常精神自損消曾中  
懷湯火變化故相招萬事無窮極一作知謀苦不饒但恐  
須臾間魂氣隨風飄終身履薄冰誰知我心焦

三十四

一日復一朝一昏復一晨容色改平常精神自飄滄臨觴  
多哀楚思我故時人對酒不能言悽愴懷酸辛願耕東臯  
陽誰與守其真愁苦在一時高行傷微身曲直何所爲龍

蛇爲我隣

三十五

世務何續紛人道苦不遑壯年以時逝朝露待太陽願攬  
羲和轡白日不移光天階路殊絕雲漢邈無梁濯髮賜谷  
濱遠遊崑岳傍登彼列仙咀採此秋蘭芳時路烏足爭太  
極可翱翔

三十六

誰言萬事難逍遙可終生臨堂殿華樹恣愆念無  
思親友修忽復至堂空王屋東飛鳥可憐我情

三十七

嘉時在今辰零雨灑塵埃臨路望所思日夕復不來人情  
有感慨蕩漾焉能排揮涕懷哀傷辛酸誰語哉

三十八

炎光延萬里洪川蕩湍瀨彎弓掛扶桑長劍倚天外泰山  
成砥礪黃河爲常帶視彼莊周子榮枯何足賴捐身棄中  
野烏鳶作魚害豈若雄傑士功名從此大

三十九

壯士何慷慨志欲威八荒驅車遠行役受命念自忘良弓

挾烏號嘯甲有精光臨難不顧生身死魂飛揚豈為全軀  
士效命爭戰場忠為百世榮義使令名彰垂聲謝後世氣  
節故有常

四十

混元生兩儀四象運衡璣暎日布炎精素月垂景輝晷度  
有昭回哀哉人命微飄若風塵逝忽若慶雲晞修齡適余  
願光寵非已威安期步天路松子與世違焉得凌霄翼飄  
飄登雲湄嗟哉尼父志何為居九夷

四十一

天網彌四野六翮掩不舒隨波紛綸客集作落汎汎若浮鳧  
一作鳧生命無期度朝夕有不虞列仙停脩齡養志在冲虛  
飄飄雲日間邈與世路殊榮名非已寶聲色焉足娛採藥  
無旋返神仙志不符逼此良可惑令我久躊躇

四十二

王業頌良輔建功俟英雄元凱康哉美多士頌聲隆陰陽  
有舛錯日月不當融天時有否泰人事多盈冲園綺遜南  
岳伯陽隱西戎保身念道真寵耀焉足崇人誰不善始妙  
能尅厥終休哉上世士萬載垂清風

四十三

鴻鵠相隨飛飛適荒裔雙翮臨長風須臾萬里逝朝餐  
瓊軒實夕宿丹山際抗身青雲中網羅孰能制豈與鄉曲  
士携手共言誓

從藝文  
定正

四十四

儔物終始殊脩短各異方琅玕生高山芝萐耀朱堂  
榮榮桃李花成蹊將天傷焉敢希干術三春表微光自非  
凌風樹樵悴鳥一作要有常

四十五

幽蘭不可覘朱草為誰榮脩竹隱山陰射干臨增城  
葛藟延幽谷綿綿瓜瓞生樂極消靈神哀深傷人情竟  
知憂無益豈若歸太清

四十六

鷲鳩飛桑榆海鳥運天池豈不識宏大羽翼不相宜  
招招安可翔不若棲樹枝下集蓬艾間上游園圃籬  
爾亦自足用子為追隨

此首藝文類聚所載與今本不同而義意  
近優觀李善文選註江文通擬詠懷詩所

引與藝文同亦一証  
也今從藝文定正

四十七

生命辰在安憂戚涕沾襟高鳥翔山岡鷺雀棲下林青雲  
蔽前庭素琴悽我心崇山有鳴鶴豈可相追尋

四十八

漢魏詩集合  
前為一首

鳴鳩嬉庭樹焦明遊浮雲焉見孤翔鳥翩翩無匹羣死生  
自然理消散何續紛

四十九

步遊三衢旁惆悵念所思豈為今朝見恍惚誠有之澤中  
生喬松萬世未一作可期高鳥摩天飛凌雲共遊嬉豈有  
孤行士岳涕悲故時

五十

清露為凝霜華草成蒿米誰云君子賢明達集作安可能  
乘雲招松喬呼噲永矣哉

五十一

丹心失恩澤重德喪所宜善言焉可長慈惠未易施不見  
南飛鷺羽翼正差池高子然新詩三問悼乖離何為混沌  
氏倏忽體貌隳

五十二

十日出賜谷弭節馳萬里經天耀四海倏忽潛濛汜誰言

焮炎久遊沒何行俟逝者豈長生亦去荆與杞千歲猶  
朝一餐聊自巳一作百金子是非得失間焉足相譏理計利  
術窮哀情隨一作能止

五十三

自然有成理生死道無常智巧萬端出大要不易方如何  
夸毘子作色懷驕腸乘軒驅良馬憑几向膏梁被服織羅  
衣深樹設閑房不見日夕華翩翩飛路傍

五十四

快憤滿情一作慵發煩心西北登不周東南望鄧林

曠野彌九州崇山抗高岑一作萬世千歲再浮沉誰  
玉石同淚下不可禁

五十五

人言願延年延年欲焉之黃鵠呼子安千秋未可期獨坐  
山崑中惻愴懷所思王子一何好倚靡相携持悅懌猶今  
辰計校在一時置此明朝事日夕將見欺今本傳潛見安能處山巖在

時置此明朝事日夕將見欺

五十六

貴賤在天命窮達自有時婉變佞邪子隨利來相欺孤思



損惠施但爲讒夫蚩鵠鳴雲中載飛靡所期焉知傾側  
士一旦不可持

五十七

驚風振四野迴雲蔭堂隅牀帷爲誰設几杖爲誰扶雖非  
明君子豈闇桑與榆世有此圍墮芒芒將焉如翩翩從風  
飛悠悠去故居離麾玉山下遺棄毀與譽

五十八

危冠切浮雲長劍出天外細故何足慮高度跨一世非子  
爲我御逍遙遊荒裔顧謝西王母吾將從此逝豈與蓬戶

士彈琴誦言誓

五十九

河上有丈人纒蕭葉明珠其彼藜藿食樂是蓬蒿高唐出效  
續紛子良馬騁輕輿朝生衢路旁夕瘞橫街隅歡笑不終  
晏俛仰復欷歔擊茲二三情懣從此舒

六十

儒者通六藝一作義立志不可干違禮不爲動非法不肯言  
渴飲清泉流饑食并一作并一筐歲時無以祀衣服當苦寒  
徒履詠南風緼袍笑華軒信道守詩書義我不受一餐烈烈

褒貶辭老氏用長歎

六十一

少年學擊刺集作妙伎過曲城英風截雲霓超世發奇聲  
揮劍臨沙漠飲馬九野坳旗幟何翩翩但聞金鼓鳴軍旅  
令人悲烈烈有哀情念我平常時悔恨從此生

六十二

平晝整衣冠思見客與賓賓客者誰子倏忽若飛塵裳衣  
佩雲氣言語究靈神須臾相背棄何時見斯人

六十三

多慮令志散寂寞使心憂翱翔觀陂一作澤撫劍登輕舟  
但願長閑暇後歲復來遊

六十四

朝出上東門遙望首陽基松栢鬱森沉鶴黃相與嬉逍遙  
九曲間徘徊欲何之念我平居時鬱然思妖姬

六十五

王子十五年遊衍伊洛濱朱顏茂春華辯慧懷清真焉見  
浮丘公舉手謝時人輕蕩易恍惚飄飄集其身飛飛鳴且  
翔揮翼且酸辛

六十六

塞一作寒門不可出海水焉可浮朱明不相見奄昧獨無侯

持瓜思東陵黃雀誠獨羞失勢在須臾帶劍上吾丘悼彼

桑林子涕下自交流假乘沂涓間鞍馬去行遊

六十七

洪生資制度被服正有常尊卑設次序事物齊綱紀容飭

整顏色磬折執圭璋掌上置玄酒室中盛稻梁外厲貞素

談戶內滅芬芳放口從裏出復說道義方委曲周旋儀姿

態愁我腸

六十八

北臨乾昧谿西行遊少任遙顧望天津駘蕩樂我心綺靡

存亡門一遊不再尋儻遇晨風鳥飛駕出南一作東林潏漾

瑤光中忽忽肆荒淫休息晏清都超世一作起坐又誰禁一作復誰禁

六十九

人知結交易交友誠獨難險路多疑惑明珠未可干彼求

饗太牢我欲并一餐損益生怨毒咄咄復何言

七十

有悲則有情無悲亦無思集作無情亦無悲苟非嬰網罟何必萬

里幾翔風拂重霄慶雲招所歸灰心寄枯宅曷顧人間姿  
始集作得忘我難焉因嘿自遺

七十一

木槿榮立墓煌煌有光色白日頽林中翩翩零路側蟋蟀  
吟戶牖蟪蛄鳴荆棘蟬蛸玩三朝采采修羽翼衣裳爲誰  
施俛仰自收拭生命幾何時慷慨多努力

七十二

齊塗馳軒車長川載輕舟性命豈自然勢路有所由高名  
公志感重利使心憂親昵懷反側骨肉還相離言更希

至可用登遨遊

七十三

橫術有奇士黃駿服其箱朝起瀛洲野日夕宿明光再撫  
四海外羽翼自飛揚去置世上事豈足愁我腸一去長離  
絕千歲復相望

七十四

猗歎上世士恬淡志安貧季葉道陵遲馳騫紛垢塵甯子  
豈不類揚歌誰肯殉一作詢栖栖非我偶惶惶非已倫咄嗟  
榮辱事去來味道真道真信可換清源存精神巢由抗高

節從此適河濱

七十五

梁東有芳草一朝再三榮色容豔姿美光華耀傾城豈為  
明哲士妖蠱諂媚生輕薄在一時安知百世名路端便媚  
子但恐日月傾焉見冥靈木悠悠竟無形

七十六

秋駕作稅駕者誤安可學東野窮路旁綸深魚淵潛增設鳥高  
翔汎汎乘輕舟演漾靡所望吹噓誰以益江湖相損忘都  
治難為顏修容是我常茲年在松喬恍惚誠未央莊子逸篇共儒

學御三年而無所得夜夢受秋駕明日往朝師師曰今將教子以秋駕司馬彪曰秋駕法駕也

七十七

咄嗟行至老僂常苦憂臨川羨洪波同始異支流百年  
何足言但苦怨與讐讐怨者誰子耳自還相羞聲色為胡  
越人情自逼道招彼玄通士去來歸羨遊

七十八

昔有神仙士乃處射山阿乘雲御飛龍噓噏音機小食也瓊  
華可聞不可見慷慨嘆咨嗟自傷非時類愁苦來相加下  
學而上達忽忽將如何

七十九

林中有奇鳥自言是鳳凰清朝飲醴泉日夕栖山岡高鳴  
徹九州延頸望八荒適逢商風起羽翼自摧藏一去崑崙  
西何時復迴翔但恨處非位愴恨使心傷

八十

出門望佳人佳人豈在茲三山招松喬萬世誰與期存亡  
一作有長短慷慨將焉知忽忽朝日隕行行將何之不見  
季秋草摧折在今時

八十一

昔有神仙者羨門及松喬喻習九陽間升遐嘒雲霄人生  
樂長久百年自言遼白日隕隅谷一夕不再朝豈若遺世  
物登明遂飄飄

八十二

墓前熒熒者木槿耀朱華榮朽未終朝連颺隕其葩豈若  
西山草琅玕與丹木垂影臨增城餘光照九阿寧微少年  
子日久難咨嗟

歌二首

見大人先生傳  
拾遺作寄懷歌

采薪者歌

日沒不周西月出丹淵中陽精蔽不見陰光代為雄亭亭  
在須臾厭厭將復隆離合雲霧兮往來如飄風富貴俯仰  
間貧賤何必終留侯起亡虜威武赫荒夷邵平封東陵一  
旦為布衣枝葉托根柢死生同盛衰得志從命升失勢與  
時隕寒暑代征邁變化更相推禍福無常主何憂身無歸  
推茲由斯 負薪又何哀

大人先生歌

天地解兮六合開星辰隕兮日月頽我騰而上將何懷  
無名氏

雜歌諛辭

諛語附

徐州歌

晉書曰王祥隱居廬江三十餘年不應州郡之  
命徐州刺史呂虔徵為別駕于時寇盜充斥祥  
率勵兵士頻討破之州界清靜政化大行時人  
歌之○按魏志呂虔文帝時遷徐州刺史請琅  
琊王祥為別駕

海沂之康實賴王祥邦國不空別駕之功

滎陽令歌

殷氏世傳曰殷襄為滎陽令廣築學  
館會集朋徒民知禮讓乃歌之云

滎陽公有異政修立學校人易性令我子弟耻關訟

樂府作訟

手

行者歌 選詩拾遺作魏時童  
詳歌云見五行志

王子年拾遺記曰文帝所愛美人薛靈芸常山  
久也年十五容貌絕世咸熙中文帝選良家子  
安以入六宮常山太守習谷以千金寶賂聘之  
以獻至京師帝以文車十乘迎之道側燒石葉  
之香木至數十里膏燭之光相續不滅車徒咽  
路塵起蔽於星月又築土為臺基高三十丈列  
燭於臺下遠望如列星之隆地又於大道之傍  
一里一銅表高五尺以誌里數故行者歌曰

青槐夾道多塵埃龍樓鳳閣望崔嵬清風細雨雜香來土

正出金火照臺 此七字是妖辭也銅表誌道是土上出金  
之義以燭置臺下則火在土下之義漢火

德王魏土德王火伏而土興土上出  
金是魏滅而晉興之兆晉以金王也

明帝景初中童謠

宋書五行志曰魏明帝景初中童謠及宣王平  
遼東歸至白屋當還鎮長安會帝篤疾急召之  
乃乘追鋒車東渡河終  
翦魏室如童謠之言也

阿公阿公駕馬車不意阿公東渡河阿公東 晉書  
作來還當奈

何

齊王嘉平中謠

宋書五行志曰魏齊王嘉平中謠按朱虎者楚  
王彪小字也王陵令狐愚間此謠謀立彪事發  
等陵伏誅  
彪賜死

白馬素羈西南馳其誰乘者朱虎騎



軍中謠

魏略曰太祖使盧洪趙達撫軍主刺舉軍中語曰

不畏曹公但畏盧洪曹公尚可趙達殺我

鴻臚歌

魏略曰韓宣字景然為大鴻臚始南陽曲阜韓暨以宿德在宣前為大鴻臚及宣在官亦稱職故鴻臚中為之語曰

大鴻臚小鴻臚前後治行相曷如

夏侯歌

魏書曰夏侯淵為將赴急疾常出敵不意故軍中語曰淵字妙才布國譙人從魏太祖征伐封

博昌亭侯累官征西將軍

典軍校尉夏侯淵三日五百六十千

州中歌

魏略曰賈洪字叔業好學有材特精於春秋左傳與馮翊敬危材學最高故眾人為之語曰

州中曄曄賈叔業辨論洵洵敬文通

邢子昂歌

魏志曰邢顒太祖辟為冀州從事時人稱之

德行堂堂邢子昂

說詩紀卷之九



